

王安石(1021—1086) 中国历史

王安石(1021—1086) 中国历史

王安石全集

上的一位
力主改革
主张兴修水利
兵 作为思想家
气”的元气说
“权时”
“学以”
作为文学家
劲 其诗风劲峭
“唐宋”
“唐革”
才 曾言
的攻讦
度罢相
谤书

为政治家 毕生
言书给仁宗帝
轻农累 富国强
提出“万物一
调“新故相除”
为教育家 推行
目的科举改制
意超卓 拗折峭
词风高峻 乃
“他是一个
以革而毁誉
代表的保守势
难行新法 两
其英名多见于

上的一位伟人 作为政治家 毕生
力主改革 曾上万言书给仁宗帝
主张兴修水利 减轻农累 富
兵 作为思想家 提出“
气”的元气说 强调“新
“权时” 作为教育
“学以” 作为教育
为宗旨的

育领域
石全集》
分重要文
工 这位
弊 雄健宏肆

育领域 王安石著述甚丰
石全集》的问世 意味着中国这部
分重要文化遗产的整理工程宣告竣
工 这位改革先驱的诗文 痛击时
弊 雄健宏肆

叱咤
哲学 文学 教

叱咤 哲学 文





王安石全集

吉林人民出版社



王安石全集 卷第五十一

外 制

枢密院编周革转官制

语曰：“前事不忘，后事之师也。”今吾枢密之府，自祖宗以至于今，不啻百年，捍患持危应变之大计，与夫将相论议之臣，密谋要策，有补于世者，皆具在此。而文书贸乱淆杂而无纪，亦何以待后事乎？故择能臣使序次焉。而尔以才称，实当其任。今迁尔位，唯是勉哉！

屯田员外郎任迥等加勋制

敕某等：朕获休享于神，而嘉与在位同其福禄。尔等并由材选，列在郎位，相时厘事，能励厥勤，甄序有差，往其祗服。

张慎修等改官

士之选于吏部者多矣，以貌以言而取，而皆不足以得之。此吾所以推耳目之任，而付之刺举之臣，使各察其所部而以贤才告上，今尔等从政于外，而为刺举者所称。故吾召见于庭，而秩以省寺之官。往其勉思所以事君，无使称尔者，受不任之咎。

徐师回等改官

诗曰：“不解于位，民之攸暨。”盖吏能夙夜不懈于其职事以无过失，然后民得以服勤，而有劝功乐业之意。吾所以制为禄位以待天下之吏，以时论其功状而进退之，凡以为民也，尔等久列于朝，而久于其职。序迁尔位，惟是勉哉！

磨勘转官三道

周官“三岁，则大计群吏之治而诛赏之”，故朕时宪以为考绩之法。吏者三岁能率职厉行而无罪悔，是亦宜于有赏。序官一等，以懋尔劳。维尔良能，宜加报称。

二

有司考尔等之阙阙，而扬尔等于朝廷，朕亲览焉，皆应迁法。夫命官赋禄之事，朕非轻之也，维以章有德，序有功。名在审官则三岁而一迁，亦维以闵夫职事之劳，而勉之尽力。尔等勿谓名器之可计日以自取也，而无报上之意焉。

三

虞以九载黜陟庶官，周以三岁诛赏群吏，其为法异，而劝沮之意同。尔之积功，实应迁法。序进厥位，维以劝能。书不云乎：“德懋懋官，功懋懋赏。”尔则善懋，朕何爱焉。

明堂宗室加恩制

敕某：朕既肆祀于明堂，而大赉以布神之福，尔列名属籍序位，内朝肃雍在庭，克相厘事以差受，宠其往懋哉。

皇侄右卫大将军蕲州防御 使从古登州防御使制

敕：朕选于近属以治亲，亲唯贤与能宜在此位，具官某躬率德善，自昭于时，以选摄事，久勤不懈，其迁使号，而正其职服之名焉。往践宠荣，翕思慎懿。

皇侄曾孙太子右内率府率令 磋右千牛卫将军制

敕某：治天下，自人道始而以治亲为先，务尔序于属籍，率履不违迁率东宫十年于此矣，地践禄次，往其钦承。

郑穆可太常博士制

士之著籍审官者，虽在疏逖，犹三岁而一迁。又况以才被选，有职事于禁门之内者哉！嘉尔言行发闻于世，膺此恩典，往其钦承！

钱袞授太常博士制

太常，古宗伯之官，而博士掌其掾法，增损因造皆合于事，久

而不失先王之意，然后可以为能，其任固已重矣。今虽职废，而非文学出仕则不得以名官。尔以叙进而膺此选，其尚能勉以求称哉！

集贤校理周豫太 常博士余如故制

敕某：籍于审官之士，虽身在外有司会，其伐阅岁满辄迁。况于以才进选，而列职秘近者哉。尔维峻良膺此恩典，往其祗励以服宠荣。

杨南仲太常博士制

敕鞭：尔文学能见称于世，服官惟谨，克以有劳，丞于太常，是谓华选，还秩博士，往其钦哉。

姚原道太常博士制

敕某：尔以艺文出仕，而才谓见称，备任远方有劳，当钱博士之选，往其钦哉。

晏崇让太常博士制

敕某：尔名臣之子，行义修饬能以艺文自奋，而于职事有劳，序迁厥官，其往祗服。

刘温太常博士制

敕某：尔丞秘书三年矣，故稽尔功状秩于太常，尔行义才能有称于世，无日官小往其钦哉。

柴余庆国子博士制

敕某：尔于为吏才敏见称，会课有司，当得迁位博士之选，往其勉哉。

邵亢可太常丞制

古者尚贤而轻爵，好艺而贱禄，所以士乐羞其行而为时用也。尔列于乐宫之职事，三年于此矣。郡牧之任，开封之选，皆能称职，遂佐三司。其序尔功，进官一等。若尔之艺文政事，吾岂有爱于爵禄乎哉？往懋厥修，以需其后。

蔡说殿中丞制

敕某：宗祀之成庆覃疏邈，尔久于常选丁，此殊恩甄序有荣往其祗服。

晁仲熙殿中丞制

敕某：尔以谨洁能不失其世守故积，功久次致位于朝，往佐一州又应迁法，愈其懋勉以称褒嘉。

王元甫殿中丞制

敕某：吏之有籍于审官者三岁一迁，所以功劳也。尔以才备任，积课应条，往服命书，愈其思勉。

高应之国子博士张侔太常 丞范褒殿中丞制

赖某等：尔等亲吾民于外，而吾使有司会课于中，皆能有劳以应迁法。夫上之爵赏无私德，惟以治人臣能率职以治人，则可谓能报上矣。各践尔位，惟时勉哉。

胡掖殿中丞制

赖某：汝官在东宫而得列于朝廷之位，有司奏课当以时迁。夫禄所以等功，位所以序德，朕所以命汝者每加厚矣。汝所以报称者，亦可以勉哉。

王介秘书丞制

敕某：朕设科以来，异能之士而亲发策问之，尔言不阿，而学问多中乎义理，其迁厥位，以嘉尔之能言。夫士无不能有不为，尔若尔之修洁有志，而济之以明敏之才，惟所施焉，将无不至，况于一官之小，岂以不称为患也哉。

毛麓可秘书丞制

古人有言曰：“无常产而有恒心者，唯士为能。”夫所谓士者，不以无常产而变易其心，又奚俟于爵赏而后劝哉！然士之有功，则爵赏加焉，天下大公之法也。尔以进士起而序于王官之列，出长一邑之民，有劳而无罪，三年于此矣。其使迁秩，以信大公之法，朝迁之位亦加显矣，所以为士者，可不勉哉！

许懋傅颜并秘书丞制

敕某：尔虽任职于外，而功罪之籍，实在审官之府以时会课于法当迁。夫三岁而序一官，在会之所同，然材实行治不有以称其位，则孰以为非苟得也。尔以艺文自奋，而由称举以至于此，其知之矣可不勉哉。

陈舜俞秘书丞制

敕某：尔以贤良应诏，朕尝亲册而秩以京官，幕府三年序迁一等，此特有司之常法。尔岂所以告待异能之士哉。往其勉之，以俟时用。

句士良秘书丞制

敕某：欠佐著作于秘书三年矣，审年稽状，当进一官。惟尔以文艺起家，而以吏能为邑，往钦新命，其克勉哉。

国子监直讲商傅光禄寺丞制

尔博读群经，而能通知其义，故选于众，以教国子。有司稽任，当以劳迁。往服尔官，愈其思懋。

张璘光禄寺丞制

敕某：尔父为吾执政之官，而尔能夙夜祗飭以修其职事，可谓能世其家矣。今有司会课，而吾以尔丞于光禄，往思励勉，以永燕誉之终哉。

王岫光禄寺丞制

敕某：诗曰：“维其有之，是以似之，以为贤者之后，功臣之世非有以存之，则无以似续其前人也。”尔以荫籍入官，而能举其职，以应有司之迁法，可谓知似续其前人矣。丞于光禄，其往勉哉。

王佺光禄寺丞制

劝其：尔大臣之家，贤者之后，能自策励不墮，其官序劳当卷。迁往践厥位，无忝尔祖，乃惟显哉。

奉举人前陕州节推郎凡卫尉寺丞制

敕某：选于吏部者多矣，非使在位者举其类，则善人岂能自进乎？尔能励厥官，以多荐者丞于卫尉，其愈祗修。

孙琪卫尉寺丞张次元大理评事制

敕某等：材施于一邑，知效于一官，至于三年而无职事之负焉，不可以无报也。序进一等，往其懋哉。

柴元谨卫尉寺丞制

敕某：商之有征久矣，所以销沮游末而劝之力本，非特收其赢财佐公上之急而已也。尔勤其事以有累日之功，序进一官，以大雅无德不报之义。尔维世族尚克勉哉。

奏举人前梓州郫县主簿陈巨 卿卫尉寺丞奏举人前权复州军事 推官孙琬大理寺丞制

敕某：选于吏部者多矣，非使在位者举其类，则善人岂能自进乎？尔能励厥官，以多荐者丞于卿寺，其愈祗修。

张服尹忠恕张慎言孙昱太子中舍制

周官“三岁，则大计群吏之治而诛赏之”，故朕时宪以为考绩之法。夫吏者三岁能率职厉行而无罪悔，是亦宜有赏。序官一等，以慰尔劳绩。维尔良能，宜加报称。

薛昌弼雷宋臣太子
中舍刘师旦殿中丞制

敕某：审官考课之法，成于先帝之时。朕维奉循以职名器，无有亲疏远近，使有司一是以待之嘉。尔有劳序迁一等，勉共尔位，率志忘私，庶乎能称爵赏之公，而终无尤于职事。

方萍高安世张湜傅充并太子中舍制

敕某等：吾于爵禄甚慎，闵仁百姓甚笃。尔等或专一县，或佐一军，而皆列于卿丞之籍，盖尝有所试矣。今有司序功法得迁位，吾虽甚慎爵禄，而于尔等无所爱焉。其勉思拊循百姓，以称吾闵仁甚笃之意。

黄汾太子中舍制

敕某：吾擢天下之才，而立民长伯万家之县，又有戎马之任焉，其称甚难。而尔能其事，有劳迁秩，毋废尔成。

王塾太子中舍制

敕某：尔丞于理亦既三年，有职事之劳，无行义之过。使迁厥位，著籍外廷。夫与于燕而坐于朝，报礼亦云异矣。往祇乃服，其可不思。

奉举人前永兴军节度掌书记 王中等太子中允制

敕某等：皆以艺文起家，而久于常选才能行义，数见推称扬于朝廷，各命以位，往共厥服，可不勉哉。

雷宋臣太子洗马制

敕某：周人事神，以讳而不讳，嫌名持循至今，遂著为律。尔以难避之讳，而辞当拜之官，自言冒荣，有所不忍，其更位号以慰孝思慎，尔百为勉求称此。

熊本转著作佐郎制

吾岁取吏部之选者，以为官监省寺之官，常不啻乎百人，论者患其多焉。诗不云乎？“济济多士，文王以宁。”有天下者，岂以士多为患哉，顾其所取何如尔？汝艺文政事，皆见称述，往践禄次，盖将有补于时，使人视吾所取而不以为多，在汝勉之而已。

高旦著作佐郎制

唐、虞以三考黜陟幽明，而其所命或终身于一职。然则其所谓陟者，盖爵服加之而已。今之增位，犹古之加爵服也。以尔久于职事，而功用应于有司之法，故使增位以报焉。虽所更之岁月与黜陟之法，古今不同，而吾所以褒厉庶工，非与唐、虞异意。尔其毋怠，思称厥官！

国子监直讲孙思恭著作佐郎制

尔才能行义，有超卓之誉于时，故选于众以教国子，而又宠以校讎之官。有司稽劳，当得迁位，列职东观，往其懋哉。

奏举人前祁州深泽县令 王广廉著作佐郎制

敕某：尔用举者为县，又能修其职事，而举者众多，升序厥官，属之东观。夫士之有能有为也，岂必戒敕而后勉哉？尔以才称，其知自劝矣。

奉举人编校昭文馆书籍 孙觉著作佐郎制

先帝置校讎之官，所取皆天下望士。尔惇行力学，为时俊杰，治民有纪，称者众多。会课进迁，往共厥服。

奏举人游烈等著作佐郎制

敕某等：皆以艺文起家，而久于常先，才能行义数见推称扬于朝廷，各命以位，往共厥服，可不勉哉。

奉举人姚辟著作佐郎制

敕某：秘书省有著作之官，所以待艺文之士。尔贍辞博学，而为吏有声甄绩序材以登，兹选往共职服，其亦勉哉。

奉举人张公庠著作佐郎制

敕某：尔尝为令，而能以材谓为在势所称，寘诸京官，以懋乃绩，往践禄次，愈其勉哉。

高肤敏崇大年并著作佐郎制

敕某：尔等皆以才能序于莫府，举其职事，称者众多，会课超卷，往其祗服。

潘及甫著作佐郎制

敕某等：选于吏部久矣，皆能以才自奋，为在位者所称。稽状有司列官省寺，往须器使无替厥修。

奉举人阮邈著作佐郎马好贤大理寺丞制

敕某等：省寺之有丞郎，其名位高下不同，而于今皆为遴选，尔等从事于外，以能见称有司书劳。朕所亲览各践厥位，往惟慎哉。

直讲刘仲章可大理寺丞制

敕仲章：尔方以经术教国子，而有司会课，当得进迁。尔以通经发闻于世，允蹈所学，尚何训哉！

施逊可大理寺丞制

敕逊：三岁一迁，朝廷之法。尔共其职事，在法当迁。往懋厥修，以祇朕训。

奉举人周同大理寺丞制

尔能勤厥官以有举者，有司条奏，在法宜迁。使得傅籍于审官，以为大理之属。当知夫名器之不可以徒得也，往思懋勉以称之！

吴安操大理寺丞制

敕某：尔名臣之家，能自修饬考，论功最当得进迁，往服官成，勿堕所守。

高定大理寺丞制

敕某朕布功赏之信，苟有功可以中率，则无择小大，远迹而加焉。今有司条奏尔劳，在法当赏。往丞于理，其懋厥官。

林宗言大理寺丞制

敕某：有司言尔当迁，而朕视功状如有司之言，故使迁尔位一等。吾尝诏有司，以时视士大夫功状而叙进之，毋使自言欲。夫在位知有礼让而不以官为利也，尔知之矣。可不勉哉？